

ДУНДГОВЬ АЙМГИЙН ЗАСАГ ДАРГЫН ТАМГЫН ГАЗРЫН ХУУЛЬ, ТОГТООМЖ ТОГТООЛ ШИЙДВЭРИЙН 2024 ОНЫ ЖИЛИЙН ЭЦСИЙН ХЭРЭГЖИЛТЭД ХЯНАЛТ- ШИНЖИЛГЭЭ ХИЙСЭН АЖЛЫН ТАЙЛАН

2024 оны 12 дугаар сарын 27

Мандалговь хот

НЭГ. ХЯНАЛТ-ШИНЖИЛГЭЭ, ҮНЭЛГЭЭНИЙ ЗОРИЛГО, ҮНДЭСЛЭЛ, АРГА ЗҮЙ

Монгол Улсын хууль, Улсын их хурлын тогтоол, Улсын их хурлын байнгын хорооны тогтоол, Ерөнхийлөгчийн зарлиг, Засгийн Газрын тогтоол, Засгийн газрын хуралдааны тэмдэглэл, Засгийн газрын албан даалгавар, Үндэсний аюулгүй байдлын зөвлөмж нийт 148 шийдвэрийн 250 заалтуудыг хяналтад авхуулан, хэрэгжилтийн явцад сар бүр хяналт шинжилгээ, үнэлгээг тасралтгүй хийж үр дүнг үнэлэх, дүгнэлт гаргах, цаашид шийдвэр гаргах түвшинд арга зүйн зөвлөгөө, дэмжлэг үзүүлэн хэрэгжилтийн бодит үр дүнг нэмэгдүүлэхэд оршино.

Хууль тогтоомж, тогтоол шийдвэрийн хэрэгжилтийг үнэлэхдээ тайлан, мэдээлэл ирүүлсэн үйл явц, үр дүнг нотолж буй баримтад тулгуурлан хяналт-шинжилгээ, үнэлгээг Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 6.3-д заасан үнэлгээ өгөх аргачлалын дагуу хяналт-шинжилгээ, үнэлгээ хийж гүйцэтгэлээ.

ХОЁР. ХЯНАЛТ-ШИНЖИЛГЭЭ, ҮНЭЛГЭЭНИЙ ҮР ДҮН

2024 оны жилийн эцсийн байдлаар Монгол Улсын хууль-24, Улсын их хурлын тогтоол-21, Улсын их хурлын байнгын хорооны тогтоол-41, Ерөнхийлөгчийн зарлиг-9, Засгийн Газрын тогтоол-78, Засгийн газрын хуралдааны тэмдэглэл-67, Засгийн газрын албан даалгавар-2, Үндэсний аюулгүй байдлын зөвлөмж-10 нийт 148 шийдвэрийн 252 заалтуудын хэрэгжилтэд хяналт-шинжилгээ, үнэлгээг хийж 94.53 хувиар үнэлэв.

Хэрэгжилтийн үнэлгээний үе шат тус бүрээр нь авч үзвэл:

- Бүрэн хэрэгжсэн 208 заалт нь нийт заалтын 86 хувийг
- Хэрэгжих шатандаа байгаа 28 заалт нь 12 хувийг
- Хэрэгжилт хангалтгүй хэрэгжсэн 7 заалт нь 0.03 хувийг
- Хэрэгжилтийг тооцох хугацаа болоогүй болон аймагт хамааралгүй заалтууд 9 заалт 2.34 хувийг эзэлж байна.

Дундговь аймагт хэрэгжиж байгаа хууль тогтоомж, тогтоол шийдвэрийн жагсаалт болон хэрэгжилтийн явцыг Dundgovi.gov.mn сайт, төрийн байгууллагын цахим программ болох egr.e-mongolia.mn программын файлын сан хэсэгт байршуулахаас гадна мэдээллийн самбарт байршуулан мэдээллээр ханган ажиллаж байна. Мөн явцын хяналт шинжилгээгээр төрийн байгууллагуудыг мэдээллээр хангаж, хэрэгжилтийн явцад тогтмол хяналт тавин ажиллаж байна.

Хяналт-шинжилгээ, үнэлгээний дүнгээс харахад Ерөнхийлөгчийн зарлигийн хэрэгжилтүүд 100 хувьтай буюу үр дүнтэй хэрэгжсэн байна. Засгийн газрын албан даалгаврын хэрэгжилтийн дундаж 70 хувийн хэрэгжилттэй байгаа нь хөрөнгийн асуудлаас болон цаг хугацаанаас шалтгаалан хэрэгжих шатандаа явж байна гэж үзэж болохоор байна.

Аймгийн хэмжээнд хэрэгжиж байгаа Хууль тогтоомж, тогтоол шийдвэрийн жагсаалтыг гарган холбогдох байгууллагуудад хүргүүлэн хяналтад авхуулж хэрэгжилтийн явц, үр дүнд явцын хяналт шинжилгээг тусгай удирдамж гарган аймгийн Засаг даргын эрхлэх асуудлын хүрээний 24 агентлагт зохион байгуулан зөвлөн тусалж бодит үр дүнг тооцон ажилласан.

Шинээр батлагдан гарсан хууль тогтоомж, тогтоол шийдвэрийг танилцах хуудсаар цохолт хийж, харьяа хэлтсүүд хяналтдаа авахаас гадна төрийн байгууллагын цахим системд бүх төрийн албан хаагчдад нээлттэйгээр байршуулж хяналтад авч байна.

ГУРАВ. ДҮГНЭЛТ

Аймгийн хэмжээнд хэрэгжиж буй холбогдох хууль тогтоомж, тогтоол шийдвэрийн жилийн эцсийн хэрэгжилтэд хяналт шинжилгээ, үнэлгээ хийхэд 94.53 хувьтай байна. Эхний хагас жилийн хэрэгжилтийн хувьтай харьцуулахад 4,79 хувиар өссөн үзүүлэлттэй байна.

Засгийн газрын хяналт хэрэгжүүлэх газраас өгсөн зөвлөмжийн дагуу Хууль тогтоомж, тогтоол шийдвэрийг хяналтад авч, удаашралтай хэрэгжиж буй хууль тогтоомж, тогтоолын шийдвэрийн шалтгаан нөхцөлийг судлан дүгнэлт хийж хэрэгжилтийн бодит үр дүнг нэмэгдүүлэх, төрийн байгууллагуудын хамтын ажиллагааг сайжруулах зорилгоор тусгай удирдамжийн дагуу зөвлөн туслах арга хэмжээг зохион байгуулсан нь хэрэгжилтийг цаг хугацаанд нь чанартай тайлагнахад ахиц дэвшил гарч, хэрэгжилтийн бодит үр дүнг нэмэгдсэн гэж үзэж байна.

Хууль тогтоомж, тогтоол шийдвэрийн хэрэгжилтэд хяналт-шинжилгээ, үнэлгээ хийх ажлыг тусгай удирдамж, шалгуур үзүүлэлтийг урьдчилан гаргаж холбогдох газруудад хүргүүлэн, хяналт-шинжилгээний явцад болон дууссаны дараа ажил сайжруулах чиглэлээр тайлан, дүгнэлт, зөвлөмж боловсруулан холбогдох газруудад хүргүүлж хэрэгжилтийн явцад хяналт тавьж заавар, зөвлөмж нэгдсэн удирдлагаар хангаж ажилласны үр дүнд хууль тогтоомж, тогтоол шийдвэрийн хэрэгжилт сайжирч байна.

Хэрэгжилт хангалтгүй буюу эрчимжүүлэх шаардлагатай 7 заалт нь удирдлага зохион байгуулалтаас шалтгаалсан 4, хөрөнгө санхүүжилтээс 1, хугацааны хувьд удаашралтай-2 заалт хэрэгжиж байгаад дүгнэлт хийн холбогдох хэлтэс агентлагийн дарга нар хяналтдаа авч үр дүнг тооцож, ажил эрчимжүүлэх шаардлагатай байна.

Хууль тогтоомж, тогтоол шийдвэрийн хэрэгжилтийн үр дүнг nelgee.gov.mn цахим программд байршуулахдаа шийдвэрийн заалт бүрийн ард холбогдолтой нотлох баримтыг хавсаргаж оруулсан.

Мөн nelgee.gov.mn цахим программд байршуулахдаа хэрэгжиж дууссан, нэг удаагийн шинжтэй, цаг хугацааны хувьд ач холбогдолгүй болсон мөн аймагт хамааралгүй шийдвэрийн заалт бүрийг нэг бүрчлэн хянаж 37 заалтыг хяналтаас хасуулах тэмдэглэгээг хийсэн.

ДӨРӨВ. ЦААШИД АВЧ ХЭРЭГЖҮҮЛЭХ АРГА ХЭМЖЭЭ / ЗӨВЛӨМЖ /

1.Хууль тогтоомж, тогтоол шийдвэрийн хэрэгжилтийг гаргахдаа үйл явцыг бус үр дүн, үр нөлөөг тодруулан бичиж нотлох баримтыг хавсаргаж хэвших

2.Хэрэгжилт нь тогтмолжсон болон тусгайлан он зааж хугацаандаа бүрэн хэрэгжээд дууссан, цаг хугацааны хувьд ач холбогдолгүй болсон, тухайн асуудлаар дахин шийдвэр гарсан саналуудыг хяналтаас хасуулах саналаа ирүүлж хэвших.

3.Шинээр гарч буй хууль тогтоомж,тогтоол шийдвэрүүдийг сурталчлах, иргэдэд мэдээлэх ажлыг эрчимжүүлэн ажиллах.